# 智慧與世智辯聰之差異與因果關係

# 一、慧之定義

《成唯識論》卷5:「云何為慧。於所觀境簡擇為性。斷疑為業。謂 觀得失俱非境中。由慧推求得決定故。於非觀境愚昧心中無簡擇故非 遍行攝。」

# 二、智之差別

《楞伽阿跋多羅寶經》:「云何世間智?謂:一切外道凡夫,計著有無。 云何出世間智?謂:一切聲聞、緣覺,墮自共相悕望計著。云何出世 間上上智?謂:諸佛、菩薩,觀無所有法,見不生不滅,離有無品, 入如來地,人法無我,緣自得生。大慧!彼生滅者是識,不生不滅者 是智。復次,墮相無相,及墮有無種種相因是識,超有無相是智。」

# 三、世間智之體性

#### 1、與妄識相應

A、《阿毘達磨俱舍論》:「世間正見。謂意識相應善有漏慧。」

B、《瑜伽論記》卷 21:「此有四句。一惡見依止性。二及彼惡見所依於定學中不正作意依止性。三願後有依止性。四或總由四倒或別由一二倒故妄計涅槃依止性。」

# 2、與煩惱相應

《大智度論》:「「世智」者,諸有漏智慧。」

# 3、執相分別

《大智度論》:「「世智」者,名為假智。聖人於實法中知,凡夫人但假名中知,以是故名假智。如棟梁椽壁名為屋,但知是事,不知實義,是名世智。」

## 4、未諦實義

《阿毘達磨大毘婆沙論》:「問何故名無明。無明是何義。答不達不解不了是無明義。問若爾除無明諸餘法。亦不達、不解不了。何故不名無明。答若不達不解不了以愚癡為自相者是無明。餘法不爾故非無明。問何故名明。明是何義。答能達能解能了是明義。問若爾有漏慧亦能

達能解能了何故不名明。答若達解了能於四諦真實通達說名為明。諸 有漏慧雖達解了而於四諦不能真實通達故不名明。如暖等四順決擇分 雖能猛利推求四諦。而未真實通達四諦不名為明。復次若達解了能於 四諦究竟通達說名為明。」

### 4、遭致惡果

《大智度論》:「菩薩入禪波羅蜜中,以天眼觀十方五道中眾生: 見生色界中者,受禪定樂味,還墮禽獸中受種種苦。復見欲界諸天, 七寶池中華香自娱,後墮鹹沸屎地獄中。見人中多聞、世智辯聰,不 得道故,還墮猪羊畜獸中,無所別知。」

# 四、世間智之正用

#### 1、出世間智證得之必要之方便

A、《楞嚴經》:「我於彼佛發菩提心。彼佛教我從聞思修入三摩地。」

B、《攝大乘論釋》:「又此根本無分別智為智為非。若爾何失。若是智者。云何是智而是無分別。若非智者。云何說為無分別智。答此問言。非智而是智。此顯根本無分別智非定是智。似於加行分別智中此不生故。亦非非智。以從加行分別智因而得生故。」

# 2、對治二障

《瑜伽師地論》:「云何世間智。謂於麁品所有雜染。能為止息對治。 於中品者能為制伏對治。---云何出世間智。謂如是制伏貪瞋癡纏諸 雜染已。復能對治微細隨眠所有雜染。此真實智名出世智。」

## 2、度化眾生之善巧

《大方廣十輪經》:「菩薩摩訶薩有二種智一者世間。二者出世間。云 何名世間智。所謂菩薩依止讀誦。欲滅一切眾生愚闇作大照明。如來 所說種種無量。於聲聞乘皆悉聽受。自書使人書。自讀誦教人讀誦。 若說辟支佛法及大乘法。皆悉隨順一切信受。若自讀誦教人讀誦。自 書亦教人書。能為眾生廣說分別顯示其義。讀誦經法求諸無漏。百 道分解脫之味。而不求於寂滅智慧。常有存相取著之心。是名菩薩 間智輪。亦與聲聞辟支佛等無有異也。不可名為菩薩摩訶薩。云何名 出世間智輪。菩薩摩訶薩修道之時。隨其精進行住誦習。而於彼相不 取不著不念不思惟。如是行類則非下劣心。如虚空同於寂滅。觀法平 等都無所著亦無所繫。無生無滅心無退轉。常行平等諸法實際。 寂滅得無生忍。不取諸相心無增減。不依諸地亦不住智慧。」